

每週經課朗誦經文(巴克禮台語漢字)2013/12/08

共同經課 - 1

以賽亞書十一章一節~十節

1 對耶西的樹頭欲發一支芽；對伊的根所生的枝欲結果子。2 耶和華的神欲踮佇伊，就是智慧及聰明的神，計劃及能力的神，智識及敬畏耶和華的神。3 伊欲掠敬畏耶和華做歡喜；伊嘔是憑目矚所看見來審判，亦嘔是憑耳孔所聽見來擬斷；4 伊欲用公義審判喪鄉人，用正直擬斷世上謙卑的人，用嘴中的拐拍世界，用嘴唇的氣剖死歹人。5 公義欲做伊的腰帶；信實欲做伊的身軀的帶。6 豺狼欲及綿羊仔相及住，豹及山羊子相及倒啲；牛仔及細隻獅及肥的精牲；最細漢的囡仔欲牽in。7 牛及熊欲相及食；in的子欲相及倒啲；獅欲食草親像牛。8 食奶的囡仔欲 佇惡蛇的孔口；斷奶的囡仔欲下手佇毒蛇的穴。9 佇我的聖山的遍地，的確無損傷無陷害；因為認識耶和華的知識欲充滿地上，親像水淹滿佇洋海。10 到彼日，耶西的根頭豎做萬百姓的大旗；列邦欲歸倚伊，伊安息的所在有大榮光。

共同經課 - 2

詩篇七十二篇一節~七節，十八節~十九節

1 〔所羅門的詩。〕上帝啊，求你將你的判斷賞賜王，將你的公義賞賜王的子。2 伊欲照公義審判你的百姓，照公平判斷你許個困苦的人。3 大山欲因為公義互百姓平安，山仔也欲按呢。4 伊欲給百姓中困苦的人判斷，伊欲救喪鄉的人，伊欲壓碎暴虐的人。5 人欲敬畏你，日久月長，直到萬世代！6 伊欲降臨，親像雨落佇已經割的草，親像及時的雨潤澤土地。7 佇伊的日子，義人欲興旺，大大平安，及月平久。18 耶和華上帝——就是以色列的上帝，只有伊行奇異的事，應該謳嘍伊！19 願伊榮光的名，永遠受謳嘍。願伊的榮光充滿全地！阿們！閣阿們！

共同經課 - 3

羅馬書十五章四節~十三節

4 因為早所記載的攏是欲教示咱才來記，互咱對吞悞，對聖經的安慰來得著向望。5 願賞賜吞悞安慰的上帝互恁大家同心志，照基督耶穌，6 互恁一樣心一樣嘴榮光上帝——就是咱的主耶穌基督的父。7 所以，著相接納，親像基督也有接納恁，致到榮光歸佇上帝。8 因為我講，基督為著上帝的真實曾做奉割禮的人的差用，欲堅固所應允列祖的，9 也互外邦人為著憐憫歸榮光上帝。照所記載講：因為按呢我佇外邦中欲稱呼你，唱歌謳嘍你的名；10 閣講：恁外邦人著及伊的百姓同歡喜。11 又閣講：恁眾外邦著稱讚主！恁萬百姓著謳嘍伊！12 又閣以賽亞講：欲有耶西的根頭，及興起來治理外邦的；外邦欲倚靠伊來有向望。13 願賞賜向望的上帝，互恁對信來充滿逐樣的歡喜、平安，互恁佇聖神的權能得著滿滿的向望。

共同經課 - 4

馬太福音三章一節~十二節

1 當彼時，行洗禮的約翰來，佇猶太的曠野宣傳，講：2 「恁著反悔！因為天國近啦！」3 此人就是主託先知以賽亞所指的。講：「有啲叫佇曠野的，伊的聲講：備辦主的路，修直伊的小路！」4 此個約翰穿駱駝毛的衫，腰緒皮帶，伊所食是草蜚及山野的蜜。5 彼時，耶路撒冷及通猶太，以及約但四方的眾人出來就近伊，6 佇約但河對伊受洗禮，認in的罪。7 約翰看見法利賽及撒都該人多多就近伊的洗禮，就給in講：「毒蛇的類啊！是誰仔指示恁閃避將來的受氣啊？8 所以恁著結彼號合佇反悔的果子。9 莫得家已拍算講：『有亞伯拉罕做阮的父。』因為我給恁講，上帝會對諸個石頭出子孫互亞伯拉罕。10 今斧頭已經下佇樹頭，見若樹無結好果子的。就剝伊，穴落火。11 我用水給恁行洗禮，欲互恁反悔。若是隨尾我來的，比我卡有權能，伊的鞋我亦袂堪得提。伊欲用聖神及火給恁洗。12 伊的手提簸箕，欲將伊彼場一盡簸，收伊的麥入倉，若是麥香就用袂熄的火燒伊。」